

*ЗВУКИ СЕВЕРНОЙ ЛИРЫ*

АНЖЕЛИКА ЕЛФИМОВА

**АДДЗЫСЬЛҮТӨДЗ...**

КЫВБУРЬЯС

## *Тайӧ — поэзия*

Заводиті лыддыны Анжелика Елфимова-лысь кывбуръяссӧ, и быгтьӧ őшинь ывла ывлӧ восьті,— ыркнитіс кыпыд, свежӧй, вильыш тӧвру.

Шуны, мый кывбуръясыс бурӧсь, сідзкӧ, нинӧм не шуны — найӧ виччысьтӧмӧсь, чуй-мӧданаӧсь, зэв аслыспӧлӧс тэчасногаӧсь. Ог ме кӧйы некутшӧма уськӧдны ылӧдз горалана муса коми поэзиянымӧс, коді «ыджыд-тор нин шуӧ», но Анжелика Елфимова сям-мӧма писькӧдны поэзияын ассьыс шуда чӧс туй. Бура лыдди, да пыр жӧ юрӧ воис мӧвп: поэянлунъясыс кывбуръяс тэчӧмын и збыльысь вӧлі артыштны поэтьӧм. Но кодарланьысь найӧс корсьны? Йӧзкостса творчествосьыс? Талунъя ӧдйӧ вежласяна олӧмсьыс? Ас пытшсьыд?..

Со кыдзи заводитчö «Чужан кывлы» кыв-  
бур:

*«Пузчужöм кагаён  
Морöстö корся.  
Кула кө, кула,  
Ловзя кө, ловзя.  
Пола, мый öтгортан  
Бергавтöм кылысь.  
Мый тэныг ме кодь  
Рочасьысь нылысь...»*

Тадзсö кодкö шуліс Анжелика Елфимо-  
ваöдз? Чайта, эз. Тані, ме думысь, öтйитö-  
даöсь и төрытъяыс, и талунъяыс. Тайö — по-  
эзия. Сиа, мед сюсь вежöра ань шедöдіс вы-  
лысь-выль вермөмъяс да век вöлі стрöг ви-  
дзöдласа аслас творчество вылö.

И со мый быть тшöтш колö шуны: Анже-  
лика Елфимовалөн ставыс на водзын и мед  
эськö öдöбта чепöсиймыс эз кус да вуджис  
кузь туйö.

Öні Анжелика миян син водзын. Сиа м бур  
туй!

*Владимир ТИМИН*

## ЧУЖАН КЫВЛЫ

Пузчужом кагаон  
Моросто корся.  
Кула ко, кула,  
Ловзя ко, ловзя.  
Пола, мый отдорган  
Бергавтом кылысь.  
Мый тэныд ме кодь  
Рочасьысь нылысь.

Мыйла нө адзыси тэкөд  
Нэм помын?  
Медьюмов кампетон  
Сылан өд вомын.  
Тшөктан ко, кывбурос  
Отитог сота.  
Оломос вой джынийон  
Жалитгог лота...

## ЧУЖАН МУ

### I

Тэнад тувсов кыдзьяскөд  
бөрдны.  
Тэнад юмов сынөдө  
пөдны.  
Тэнад енэж лөзінө  
сывны.  
Тэныд сьөлөм дойясөс  
сьывны.

Уна во ме йөз муын  
шөйтi,  
Кымын олөм важ ноппө  
сөвтi.  
Тэ эн дивит пөрысьмөм  
мортөс,  
Кодi сөмын воөдчис  
гортас...

## II

Ме уя тэнад лөнбѡд,  
быттьѡ вѡрті.  
Ме апала пѡсь ловтѡ  
и ог пѡт.  
Ме тэ весьтѡ став шогсянінас  
бѡрді,  
И тэ пыдди ме юи  
став лѣк вѡт.

Мый кывбур менам —  
комын кыв — и ставыс.  
Тэ бура тѡдан налысь  
гуг да бан.  
И вьль ног он нин шѡпкѡдышт,  
он равѡст.  
Он весиг вьль ног  
радейт тэнѡ тан...

✕ ✕ ✕

Тулыс сэтшөм матын:  
сөмын горөд —  
Енэж лөзөн тыртас гөгөрбок.  
Мөдлапөлө йөрмас  
турун зорөд,  
Бытгьё кольём воын  
чөвглөм шог.  
Коскөдз нийтөн, пельөдз вомөн  
бара  
Сиктса улич ылөдлас —  
он пыр.  
Лэбач гозья, варовсьыс на  
варов,  
Чужтас гөнтөм пиян  
пырысь-пыр...

✕ ✕ ✕

Выль во öні на и «точким»,  
А апрель нускө, кылан.  
Куим төлысь öйис-сотчис  
Вежон, лун джын, здук-мөд —  
Дыр-ö?

Киссялісны дзоридз-росъяс,  
Ен ув пельöсын выль берба.  
Арын казьявтөм пув розъяс  
Выльысь ягын вотны верман...



✕ ✕ ✕

*Н.*

Ме век на тэнад серам шыён  
код.  
Ме век на тэнад енэж синмён  
«керём».  
А рыгъя зэрыс некыдзи  
оз вод.  
Он гөгөрво — то жалитё,  
то нерё.

Эг кёйы велавны тэ дінё,  
эг.  
Регыдъя янсөдчөмысь, бытгё нывка,  
повзи.  
Чайті, мый сёлём ичотик да,  
жеб.  
А кулём пыдди тулысыскөд  
ловзи...

✕ ✕ ✕

Öшиньясös босьтiм,  
Пачьяс огö ломтöй.  
Сэсся пö мед тулыс  
Керка пытшкöс шонтас.  
Сöмын шондi югөр  
Век на вьвтi ыръян.  
Öдвa сорөн ловзьö,  
Бытгö пöрысь жыннан...

✕ ✕ ✕

Д.

Овны, эськӧ, овны,  
Апавны веж сынӧд.  
Некодъсь не повны,  
Мунны енэж вылӧд.  
Асылӧдзыс тӕкӧд  
Варовитны-сӧрны.  
Тӧвся грекъяс дзебтӧг  
Тувсов шыас тӧрны...

✕ ✕ ✕

Со тэнад тулысыд!  
Татшөмөс көсйин,  
Та понда асьтө мем  
Ланьтлытөг вөзийин?!  
Мыйла нө шогалан, эськө,  
Он радды  
Турөбөн баситөм  
Несъялысь мартлы...

✕ ✕ ✕

Мем тэнö радейтны оз позь,  
И весиг паньдасьöм — грек нин.  
А сиктса улич сэтшöм векни,  
А сиктса сёрни сэтшöм ёсь.

Ог аслам омöльысь ме пов,  
Ме пола тэнад помтöм вынысь,  
Мый öтчыд сийö сьöд му вылысь  
Друг лэптас кыкнаннымысь лов...

## ТУЛЫС

Шонді йинёнъяс нускө-йирө,  
Майбыр қурксомысь оз тай пов.  
Польдчөм чужомыс ворсө вирөн,  
Пессьө морөсас вильш лов,  
Петө-пычкысьө ывла вылө,  
Мед кө быдлаті ловъя на.  
Көсйө кывлыны, кыдзи сылө  
Кыз пу сөнгясын зарава...

✕ ✕ ✕

Көн тэ төрыт вöлин,  
Мичаник да том.  
Кодлысь морöс көрин,  
Окавлін пöсь вом.

Войбыд тэнö корси,  
Синмöй век на гöрд.  
Öти лунөн сорсин —  
Пидзöс вылас мöд...

✕ ✕ ✕

Ме пола, мый тэ өтчүд  
он во бөр,  
А локтан кө,  
Ме тэныд ог ло муса.  
И менсым полъм  
Некодды он вузав,  
Көть керка пытшкө  
Сійө оз нин  
төр...



✕ ✕ ✕

Луныс ловзьö. Ньюжалö.  
Кодзувьясöс дзеблалö.  
Мöдлапöлö вуджала  
Небыд авья бербала.

Самöварöс пузьöда,  
Лэпта бидон сур сэсся.  
Тэнö орччөн пуксьöда,  
Бара ладмам-бурасям...

✕ ✕ ✕

И воас май.  
И ыджыд мамой петас  
Сьод потшос сайо,  
Мир туйыслы паныд  
Да мудзом синлы  
Шонди лэччанланыс  
воя сетас.

Мед юрси дзор  
И кокъяс юкалоны,  
Но личодны оз артмы  
Тувсов город.  
Од война вылысь пиян  
вояс шород  
восьлалоны...

✕ ✕ ✕

Ывлаас — тулыс,  
Морёсын — ар.  
Лимзалё луныс  
Ракаён: «Кар-р-р!».

Кывбуръяс өктысь —  
Инасьтём лов.  
Нэм чөжыд вөтысь  
Корсьны нянь-сов...

## МАМЛЫ

Сöмын öтнад он öтдортчы меысь,  
Кöть нин кушöмөн йöз пöвстас кывся.  
Лэччан котöрөн ломтыны пывсян,  
Муртса инмöдчас туйбокса пелысь.

Тэныд öтнады кывъяс оз ковны —  
Ставсö «восьтасны» съöд рöма синъяс.  
Лолöй грекъясысь личалас-мынас.  
Менам Ен оз муэд велöдны овны...

✕ ✕ ✕

Ме радейтлі, кыздз кужи,  
Ме радейтлі, кыздз кӱсйи.  
И йӱз сёрниӱд вуджи —  
Эг пӱд, эг сыв, эг ӱзйы.

Тэ менӱ таысь прӱстит,  
И сьӱлӱм тупыль позйын  
Он овмӱдчы кӱ, гӱстит, —  
Мед регыдик, но гозья...

✕ ✕ ✕

Бара на тэкӧд ме пияси.  
Кыдзи нӧ водзӧсӧ овны?  
Кыдзи бӧр му вылас инасьны,  
Юсьӧмысь важ ногыс повны?

Мыйла нӧ мукӧдыс кужӧны  
Муслунлы видзӧдны бӧрӧ.  
Сӧ арӧс тӧдлытӧг вуджӧны,  
А ми ӧти здукас ог тӧрӧй...

## БӨРДӨМ

*(кыз пулы)*

Мыйла бара-й мырсин-петин  
Му пытшсьыс.  
Мыйла бара-й сөнтө летин  
Вутшъясьыс.  
Вольной светнас,  
Вөсни коскөй,  
Сорасин —  
Вочаалас төлыд роскөн,  
Гожом — корөсьөн...

✘ ✘ ✘

Та дыра и вöлі мян тулыс,  
Эгö весиг тöддöй сылысь мич.  
Юыс али енэжыс сідз туліс?  
Сингяс водзын сöмын ойдöм видз.

Кильчö поскöд кайö тьötка-гожöм.  
Здук — и дзикöдз бырас тайö май.  
Мудзи тэнад сьöлöмысь ме  
Пожйөн  
Бырöм муслун гумлавны...  
Прöщайт...



## ПУДЪЯСЬОМ

Уджали да уджалі —  
Лунтыр ыжӧс куталі.  
Чигангяслы вузалі,  
Куим шайтсӧ гуалі,  
Нельӧд вылас «буалі».  
Аски бара уджала —  
Лунтыр порсьӧс кутала...

## АСЪЯ ЗЭРҮД, ШУЛАСНЫ, ГӨСҮТ...

Тэ менам асъя зэр,  
Тэ олөмө он кольчы.  
Ни зелляйэй эз «кер»,  
Ни синъясысь эн коддзы.

Кок туйтө нюлас лун,  
И быттё эн и воны.  
Мун, асъя зэрй, мун.  
Ме тэтөг шуда лоа...

✕ ✕ ✕

Мед кө олөмөй  
Абу дзик тыр-бур.  
Сөмын коркө мед  
Чужыштлас кывбур,  
Да оз крукасьлы  
Вашъялысь рифма.  
Мед кө косіник,  
Мед тіралысь на...

✕ ✕ ✕

Тэнад синъясыд  
менам синъясын.  
Пөдін төддытөг —  
и он сюр.  
Курыд синваён  
ог жө войтыштөд.  
Ставыс, шондйой,  
лоас бур...

✕ ✕ ✕

Тэ лэбавны эн кӱсйы,  
И ме чегъялі бордьяс.  
Тэд батыӱ сур эз вӱзйы,  
И ме эновті гортӱс.

Тэ шуин: «Енмыс уна»,  
И ме пернаӱс вошти.  
Ок, кытчӱ бара-й мунам  
Му да енэж косттыс...

✕ ✕ ✕

Воддза гожом окаліс  
катшасингясон.  
Таво гожом кояло  
катшашыдосон.  
Кытчö бара-й вошины  
муса нимгясой,  
Кодгяс ондз олісны  
сьолөм пыдосын...

✕ ✕ ✕

Эг и төдлы,  
кыдзи гожом суис.  
Гөгөр жуо,  
тувчыны он лысыт.  
Эжва ямис,  
енэж бара туис.  
Кылан, сизьлөн гижсьо  
помтөм висьт.

Шкапын упкө-пөдө  
ситеч платтьо.  
Сыкөд орчбон  
ропкө сарапан.  
Шонди ассъыс кадсө  
зильо-каттьо.  
Видзөдан да,  
ар нин жөдзө тан...

✕ ✕ ✕

Бөрдө енэж.  
Кодлы сылөн синва?  
Кулысь төвлы?  
Чужысь тулыслы?  
Ог төд...

Көдзыд зэрысь  
Пөдса өшинь дорын кынма.  
Виччыся, кор лэдзас лолөс  
гажтөм вөт...



✕ ✕ ✕

Кытчö бара-й тэ быд асыв  
пышгъян,  
Кытысь рыгъяснас  
вайлöны тэнö.  
Мыйла радейтан сьöд рöма  
чышгъян.  
Кутшöм та выйöдз шог  
личкö-венö.

Висьтав —  
Сьöлöмад кокныдджык лöö.  
Ог кö отсавны сяммы,  
кöть кывза.  
Мыйысь лов шыыд  
тiралö-полö,  
Быттö асылöс юкталысь  
лысва...

✕ ✕ ✕

Кольöd менö  
кыддза раскöдз  
Бонзьöм öмидз кустьяс  
бокті.  
Тэ öд сэссия каян аски  
Сэтчö, кытысь коркö  
локтін.

Корöсьнас, мый перья  
рассьыс,  
Мöд нин кутас  
швачöдчыны.  
Кутшöм öдйö  
муслун разьсис.  
Оз ков мырдön орöдчыны...

✕ ✕ ✕

Бытьё мудзём каньпи,  
Куткыртчёма шань пи.  
Вашгьялігмоз нускё.  
Вунём сисьтор дзузгё,  
Полігтырйи, гусьён  
Любуйтчö оз тусьён...

✕ ✕ ✕

Парма лөньö шондi уси.  
Аскиöдз!  
Кольмис сынöд  
Öмидз дуксьыс.  
Мамук, лэдз  
Кодальштны пемыдлöзас,  
Эн корсьысь.  
Гашкö, танi сьölöм дözмас  
Эндöмысь...

✕ ✕ ✕

Көсий аслым лоны сарөн.  
Асыводз  
Пышйи сиктысь  
Ыджыд карө,  
Лои роч.  
Өні менө  
Выль друг кутлө.  
Озырми.  
Сөмын чужан муёй шудлы  
Оз тырмы...

✕ ✕ ✕

Тэ, колөк, төдан, мыйта  
саридз дорөдз шорсянь,  
И мыйта синтөм олөм  
ас дорөдзыд гортсянь.  
А, гашкө, төдан, мыйта  
вашниттөдзыд шог,  
И мыйта «да» шуөмөдз  
колө кывны «ог»...

✕ ✕ ✕

«Тэнад, нылукöй,  
ставыс на водзын,—  
Вöсни синваöс  
чышкавліс мамöй.—  
Шогтö ковмас на  
апавны соддзöн,  
Оз кö сьöлöмыд  
нюмъявны сяммы».

Сэксаць коли нин  
некымын олöм,  
Ёна юмов да курыдас  
пöдлі.  
Сöмын бöрдöм да ойзöмлысь  
колöм  
Серам-сөрöмөн некор  
эг тöдлы...

## ПӨДРУГАЛЫ

Мый нөшта оломад колө —  
Огө тай лёка со олой:  
Уджйөзсянь удждонө вуджам,  
Челядьёс быдтам,  
кыз кужам,  
Верёсөс юөмысь виддам,  
Орьясьём сикөтшгяс йитлам,  
Войөдзыс сёрнитлам-сөрлам,  
Сералам, овывлө, бөрдлам.  
Мый нөшта оломад колө?  
Огө тай нинөмысь полөй...



## ГОЖОМ

Тэ колян менам ки пыдөсө  
гаддьон  
(Веж турун көрыс  
кык часөн и вунас).  
Бөр шкапö пырас  
вушйом ситеч платтьö,  
Мед гөститөдны возös  
чужан луннас.

И дыр на посводз джаджын  
пöрысь коса  
Оз вермы веськөдчыны —  
кынмөмаösь лыяс.  
Ой, гожом, мем кө олыштны  
тэ моза —  
Дзик ставсö шыбитны  
да пöдны шондi выяс...

✕ ✕ ✕

Туйыс водзё тюрё, тюрё,  
Нуо менё чужан муо.  
Сэні меґся дона олысь  
Оз нин вешйыв  
ёшинь дорысь...

✕ ✕ ✕

Көть муслуньд эз кольчы,  
Сөмын дзеродис,  
Но мыйокө и тэнө сийө  
велодис.  
Со кужан кбдзыд эшкын улө  
водны,  
И во чөж тулыс-гожөмыстөг  
овны...

✕ ✕ ✕

Асъя кы надзöникöн сотчö,  
Тайö важся вöтöй мырсьö-инö.  
Кöть и быдса олöм муним орчöн,  
А со весиг казътыштлыны нинöм.

Пельöсьясын кынмöмаöсь мышгъяс:  
Вушийöм платтьö, резъдышталöм дөрöм.  
Кор нин бара-й öта-мöдысь пышгъям,  
Мед не вочаасьны кувтöдз  
мир туй шöрын...

✕ ✕ ✕

Этша мелі кыв тэныд ме вичмөдлі.  
Тэнад синвайн некор эг бөрд.  
Зэлыд морөстө  
Кужтөг ме личөдлі.  
Тэкбд олі,  
А тэнө эг төд.

Прөста өні со кок улад тушлясьө  
Менам озырлун, сьөлөм дой, лов.  
Прөща лунгьясянь да  
Прөща лунгьясөдз —  
Тэныд мясянь дзик ниньм  
Оз ков...

✘ ✘ ✘

Ме коркӧ велала на,  
велала  
Водз тулыс арысь  
торйӧдыштны.  
Ме коркӧ серала на,  
серала,  
А, гашкӧ, весиг  
ылӧдчышта.  
Ме коркӧ пырала на,  
пырала,  
Ог повзы киссьӧм  
кильчӧ поскысь.  
Ме коркӧ ылавла на,  
ылавла,  
Мед меным сэки лоӧ  
сӧ кызь...

✕ ✕ ✕

Меным тэсянь дзик нинӧм оз ков.  
Весиг прӧща.  
Мед кӧ райӧ оз кышӧдчы лов —  
Адын пӧжся.  
Тэ он гӧгӧрво, мыйсяма дой  
Керкаӧ лэдза.  
Сэсся нэм чӧж кӧть синватӧ кой —  
Лоӧ этша...

✕ ✕ ✕

Тэ бара войбыд лэбалін.  
Эн соссы.  
Ме мудзтѳдз шонті  
          тэнсьыд кѳдзыд вом  
Да надзѳникѳн бѳрді —  
          друг он ловззы.  
Кор йѳйталѳмлы тэнад  
          воас пом?

Но мый тэд менам керкаын  
          оз тырмы?  
Вай висьтав, ставсѳ ньѳба-  
          лѳсьѳда.  
— Ме прѳста тэнад дзескыдѳнысь  
          быдми,  
А тэ дзик мырдѳн менѳ сэтчѳ  
          тѳрдан...



## СЫКТЫВКАР

Тэнад ме кодъыс —  
лыдтѳм-тшѳттѳм.  
Тэ он тѳд, корджык муна,  
кор локта,  
Кутшѳм пасьтавла  
платтѳѳ-ковта,  
Веськодъ дзык.  
Тэнад синлы ме  
тѳдтѳм.

Кѳтъ и сѳрнитлім ми  
эг ѳтчыд,  
Гѳлѳс некытѳ тэнсьыд  
эз вѳрзьѳд,  
Некор ме бѳрся, дерг,  
он вѳтчы,  
Некор паныдасигѳн  
он гѳрдѳд...

✕ ✕ ✕

Ме тэнö вунöдi. Вунöдi...  
Но мыйла нö сьöлөмöй тiпкө,  
Кор öшинь пыр кöсийны сүдны  
Сингясöй тэнсьыд мичтö.

Ме тэнö вунöдi. Вунöдi...  
Но мыйла нö мөдкөд мем  
Гажтөм.  
И мыйла нö быд асыв курөдö  
Синвайи вунөм важсö?..

✕ ✕ ✕

Ме эска — райыс кӧнкӧ эм,  
Ӧд мыйла, сӧдзкӧ, тэтӧг ола.  
И мыйла ӧшӧдчӧмысь пола,  
А ог тай мӧдкӧд дойӧс вен.

Тэ сәні мичаджык сё пӧв...  
Ме эска, эска, эска, эска...  
Мый вӧчан — тэнад ме невеста,  
И миян кӧлысь эз на вӧв...

✕ ✕ ✕

Мый менам кывбурысь —  
Тэ өгийс он лыдды.  
Мый менам бөрдөмысь —  
Тэ синва көр он төд.  
Мый менам семьяысь —  
Тэ сы кийсь он мырдды.  
Мый менам муслунысь —  
Тэ сэтчө нэм он пөд...

## ЭН ПОВ

Эг тэныд ме биясөс өзтав,  
Эг тэнö ме мөд ордысь виччысь.  
Эг тэ водзын музтöдз ме йойтав.  
И тэ эн жö менам вöв видчысь.

Ми эгö и петавлöй паныд.  
А, сідзкö, ог тэысь ме пышйы.  
А, сідзкö, и оз тэнад арыд  
Шлапкы пельпомас сьöд рöма чышгьян...

## СЫКТЫВКАРЛЫ

Быд волігөн рочасьомтö серала.  
Эн вид таысь.  
Прöстö тадзи тэ дорö ме велала —  
Сурö ваысь.  
Прöстö тадзи чужан кылöс вунöда  
Вокъяс бöрся.  
Быттö кöнкö ачымöс друт суöда,  
Сэссия öвся...

✕ ✕ ✕

Миян сингъяс костын  
Абу туй, а вояс.  
Миян сьолӧм костын  
Абу би, а дойяс.  
Миян лов шы костын  
Абу содз, а Ен...  
Аддзысьлӧмлысь полӧм  
Он нин сэсса вен...

✕ ✕ ✕

Гожом сылі кампетөн.  
Енэж дзыкөдз резьдiс —  
Быд пельöсысь ва петö,  
Керка вевт оз мезды.

Неуна и ылавлі,  
Весиг юр эз висьмыв.  
А со пескöй кылалiс,  
Турун доддьöй сiсьмис...



✕ ✕ ✕

Аддзан, өшлө қодзувъяс  
пемыд вой.  
Кылан, небзьо надзөник  
сьолөм дой.  
Юркытш кыө-көрталө  
зарни ун.  
Вунө, вунө бара на  
гажтөм лун.  
Паськөд китө-бордьястө,  
да эн пов —  
Ылі муө лэбзьөдас  
кокньыд лов...

✕ ✕ ✕

Сиктӧс кампет моз  
нъыльштӧс рыт.  
Ӧшинь кодзульсь сӧсся  
он торйӧд,  
Бӧръя катернас ме дорӧ  
кывт —  
Бара кутлысям-окасям  
войбыд.

Тэнад шоныдын  
нӧти оз йидж  
Мамлӧн нӧйтӧмыс.  
Гильӧдас муртса.  
Тайӧ висьӧмсьыс  
петшӧр эз видз,  
Ӧзйись ловлы тэ  
нӧшта на муса...

✕ ✕ ✕

Пөдөм дуксө төлөдны,  
Ышмөм возйос өлөдны  
Льом пу улө вольсалис  
Джодждөрасө ар.

Төлөдз, эськө, любуйтчи,  
Кывбур тэчи-мучитчи,  
Эз кө мамлөн кураныс  
Виж дөрасө гарт...

## ДЗОДЗӨГЪЯС

Эн на слөймөй гажтөмтчөмтө дзебны,  
А со колө выльысь мунны-лэбны.  
«Бара арыд көзьяйкаөн вөтлө»,—  
Шөпкөдөны дзоръяс өта-мөдлы.

Кутшөм бара-й сьөлөм татчө колө?!  
Еджыд лымйөн гөнныд усьө-кольө.  
Көсынкаөн өвта сьөд чут быртөдз.  
Адзысьлытөдз, ёртъяс!  
Адзысьлытөдз...

✕ ✕ ✕

Шаньга нюрын, кӧнкӧ,  
Важӧн тӧпкис мырпом,  
Ньӧрьястӧм кыздъ весьтӧ  
Чукӧртчывлӧ геб.  
Сӧмын лолӧй менам  
Век на, век на тыртӧм.  
Нинӧм на ме сэтчӧ  
Мыйлакӧ эг дзеб.

Ог тӧд, мый и кута  
Казьтывлыны тӧвнас,  
Кутшӧм рӧмтор ӧзтас  
Еджыд гуын би.  
Резьдӧм кывбурьясӧс  
Мыйӧн вурла-дӧмла,  
Кытысь нюмӧс перья  
Локтанныд кор Тi...

## АРЛЫ

Пуксыв пызан сайö,  
юышт сурсö.  
Ачыд ёна чöсмöдлин  
ас кадö.  
Ёна кольмывлі ме  
тэнад кольквиж чадйын.  
Он-на весиг лысьöм  
öдвa дзуртö.

Тöдсаяслы лөгавнытö  
нинöм.  
Бөр на локтан,  
олöмыс öд помтöм.  
Юмов сурсьыс тэ  
эн вежнынт вомтö.  
Часлы, мыйкö пырис  
шуйга синмö...

✕ ✕ ✕

Гортын вежлалöны шебрас,  
Сідзкö, бара ар.  
Сідзкö, бара тэнö мырддяс  
Мустöм Сыктывкар.

Бара öшиньö ме лясся,  
Быттö польдчöм ном,  
Виччысьны, кор Енмыс пуктас  
Янсöдчöмлы пом...

✕ ✕ ✕

Шондіой, шондіой,  
Петав вай, петав.  
Рудодом сьоломос  
Бівлаыс летö.

Пыдöстöm гурангяс,  
Лолавтöm вöтгяс.  
Кор бара-й бöрдöмсьыс  
Бурасьла-пöтла.

Шондіой, шондіой,  
Беринöсь чужöм.  
Мыйла ме татшöмөн  
Свет вылас чужлі...



✕ ✕ ✕

Бөрсянь локтысьяс,  
Водзё мунысьяс,  
Коркё казгыштёй  
Менсьым ним.  
Сэтшём долыд мем  
Лолас мёдарас,  
Быттьё петавлас  
Муса лым...

✕ ✕ ✕

Öшиньö парсасьö зэр:  
— Лэдзыштлöй. Дзикöдз нин йизи.  
Квайт час, а, гашкö, и сизим  
Таркöдча. Быгаліс сер.  
Мудзöмла лазьялö син,  
Чаштісны абутöм гыжъяс.  
Мыйöн ме татшöма мыжа?  
Некыгчö шогöй оз ин...

## МАМУКЛЫ

Кутшөм эськө кывъяс  
тэныд вичмөдны,  
Кодкөд эськө  
өткөдявны тэнö?  
Ог төд.  
Ме өд век на тэнад  
ичөт ныв,  
Көть и ачымөс нин олөм  
важөн венө.

Кымын аттё  
висьтавны тэд вунөді  
Да и кымынөс на  
вунас шуны..  
Мырдөн зля тувчавны  
кок туйөдыд,  
Сөмын, буракө, ог вермы  
некор суны...

✕ ✕ ✕

*Н.*

Öшиняд быд асыв видзöда,  
Войяслысь гажтöмсö личöда.  
Тöда, кор занавес саяд  
Вом дортö сотö пöсь чайыд.

Мед эськö, кевма, и менам  
Шоныдöн кодöскö венас  
Вежыньтчöм керкалөн лолыс,  
Да сийö тшöтш шудаён лоас...

✕ ✕ ✕

Тэ менö кöнкö виччысян,  
Ме тöда.  
Тэ шуштöм керкаад  
И ывла вылас пöдан.  
Ни сур, ни синва  
Кушинтö оз тырт.  
Тэ гажтöмыдла косьман  
Асьв-рыт.

Ме тэныд паныд  
Лöсьöдчи нин петны,  
Мед тэкöд олöм  
Ен кабырö сетны,  
Да тэкöд орччöн  
Шонтыны сёй гу.  
Мен сьölöм индас,  
Кöнi тэнад му...

✕ ✕ ✕

Сы мында во тэнад олөмөн олі.  
Сы мында во.  
Сы мында во тэнад синваён сола  
Инасьтөм лов.  
Уджйөзөй сё пөв нин тэ водзын мыні.  
Он гөгөрво.  
Эбөсөй быртөдз ме тэ динө сыні.  
Сөмын эг во...

✕ ✕ ✕

Абу на сёр ставсö бергöдны бөрö,  
Мед сэнi турöбыс ланьтлытöг сөрö.  
Мыйкö öд коли на сьöлöмад важыс:  
Шогсьöмыс-кевмöмыс, сьылöмыс-гажыс.

Пет еджыд лымас, и ме паныд пета.  
Видзöдлы ме вылö — олёмöс сета!..  
Шпыньялö асылыс бөрдöм шы улын,  
Бытьöкö тöдö, код бокын тэ куйлан...

✕ ✕ ✕

Тэ шуин: «Муслун — сөрөм!»  
Да вештін менсьым ки.  
И уси муодз сьолөм,  
И кусі синмысь би.

Но тэнө ме эг ысты,  
А ачыд тэ эн мун.  
Сідз вочасөн и кыскам  
Төв-гожөмсө вой-лун...



## ВӨРЛҮ

Медводдза лымсянь  
Медводдза корбдз  
Огö вай пыралой  
Öта-мод дорö.  
Бурдöдам дойяс,  
Личöдам лов,  
Нинöмысь сэсса мед  
    повны эз ков.  
Аддзылан, янсöдчöм  
    пыркнитас руөн!..  
Огö кö аски жö  
Гажтöмла кулой!..

✕ ✕ ✕

Ме гусьон: «Кутшом еджыд лым...»  
Тэ керка тырөн: «Бара кодйысь!»  
Тэ менсьым шопкөдчөм он кыв,  
Ме прөста абу тэнад мойдысь.

Ме лыддя лым чирьяс, тэ — пес,  
А торксям — выльысь заводитам.  
Тадз радейтчөмлысь вöсни гез  
Ми, тöдтөг, гөрöдалам-йитам...

✘ ✘ ✘

Кыз эшкын улын  
йизьём кокъяс шонтан.  
Виж тулысодзыд —  
быдса нэм дай вежон.  
И коді тодас,  
кор на сійө локтас  
Да кымын тулыс  
гуся мөвпсө вежлас.

Лым тола понйысь бурджык  
кильчө видзё.  
Кор петлас руыд,  
видзөдлан — и сөмын.  
А рутлөм ковта  
көдзыдысь оз личөд.  
И тэ он төд,  
кыт нөшта сылысь  
дөмны...

✕ ✕ ✕

Неважён на нылыс вёлі муса,  
Неважён на зонмыс  
шудас пөдіс.  
Жалитышттөг шудлөн зарни кусіс,  
Быгтьё дзирдавысё  
Сьёд му вылас пөтіс.

Мелі кывъяс пыдди —  
горзём-матькём.  
Код нё эськё том параёс керис?!  
Еджыд тёлыс помся гажтём каттьё...  
Прёстё өні зонмыс —  
нывлөн верёс...

✕ ✕ ✕

Сингъяс шымыргіс помтөм еджыд.  
Мудзи личөдны пөдтысь шог.  
Мыйла шулін, мый төлыс дженьыд.  
Со тай тулысыд эз и лок.

Быри пескөй и сиськөй быри.  
Кынмөм морөсын — шы ни ру.  
Ог кув сыысь, мый лымйөн тыри.  
Кула сыысь, мый тэ он вун...

✕ ✕ ✕

Ен да му костас  
Ола-лэбала,  
Паськыд лов шыö  
Мырся-велала.  
Ог тöд, лым чирён  
Али кодзулөн  
Усьны кок улад,  
Мед тэ кодзылан...

✕ ✕ ✕

Ломты пачтö,  
Пузьöд чайтö,  
Перйы гөбöч джаджсьыд  
доз.  
Вунöд лөгтö,  
Чукöст менö.  
Пукалыштам  
Важся моз...

✕ ✕ ✕

Тöлыд ассьыс уджсö тöдö:  
Оз кö талун, аски тыргас.  
Код сэн бöрдö: «Муыс пöдö!»  
Мулөн бара-й лолыс тырмас  
Тулысöдзыс гусьөн сьывны  
Йöзсянь кывлём сьыланкывъяс.  
Мукöд войö позьö кывны  
Кок туйясöд петысь шыяс...



✕ ✕ ✕

Помтөг эськө тадзи мунны  
төв шөрөдыс,  
Гусьоникон кывтор шуны,  
дырөн — мөдөс.  
Кок туйнымос венчайтөны  
лым чирьясыс,  
Кольдөны сэтчө, көнi  
садьмө асыв...

✕ ✕ ✕

Гын сапӧг толаӧ суналӧ.  
Би сюръя шӧпкӧдӧ-туналӧ.  
Ӧшиньлӧн чужӧмыс векнялӧ.  
Паччӧр выв гежӧда рекмывлӧ.  
Тӧв...

✕ ✕ ✕

Порог водзын каньöй мысьö,  
Эг на верд-а.  
Код нö зськö корсьö-мырсьö  
Менсьым керка?

Төвбыд öти кок туй тюрис  
Вөлөсьтöдзыс...  
Карта сайын ношья тулыс  
Ноксис-жöдзис...

## ЯНСӖДЧӖМ

Олӗмыс кузь на,  
Аддзысьлам коркӖ.  
Оз ӗд позь вужнас  
Нетшыштны ӗртӗ,  
Код пытшкӖ чӗвтлин  
Став гусяторьяс,  
Коді пыр дӗмліс  
Косясьлӗм бордьяс...

✕ ✕ ✕

Аддзысьлытөдз! Аддзысьлытөдз...  
Муыс гөгрөс пө дай ичот.  
Асывсяньыс пемыд рытөдз  
Менө туй вывсыд тэ видзөд.

И ме тшөтш жө чатрасьшта.  
(Весиг өчкишойс корся).  
Мед кө костным олөм ыджа,  
Сөмын меланьö тэ вослав...

✕ ✕ ✕

Югьд бисö эн вай биав,  
Пемыдінас пукалыштам.  
Менам кий  
тэнад кийн.  
Весиг пачным лоньсьыс  
дышмö.

Сэтшöм ёна быри гажöй  
Тэнад көрысь. Чеччö сёлöм,  
Бытьö аддзöдчывлім  
важөн,  
Эськö пёсла петлін  
сöмын...

✕ ✕ ✕

Эн гажтөмтчы метөг.  
Эн бөрд.  
Ме кытшовта мусö  
И локта.  
Ог төд на, мый оломас  
вошта,  
А мыйысджык лоа  
дзик пөт.

Ме локта.  
И тэ ордö бөр.  
Мед събломой кузь туйысь  
сырмö,  
И бурдодысыс сийöс  
тырмö.  
Сэн тэ.  
Сэсся некод оз төр...

✕ ✕ ✕

Ёна и «окаліс»  
яндысьтём зэрыс,  
Питшогодз пыраліс  
вёсныдык ки.  
Буракò прамбя  
дуб ванас «керис»,—  
Сьёлөмөй пөгибө  
воштис нин дзик:

Морөсысь чеччө,  
ни узьём ни олём.  
Врачьясөс корлі,—  
ог нинөмөн вись.  
Оз кө и октябрыс  
ульсалём лолөн  
«Керөмысь» мезды —  
Озты, мам, сись...



## АРЛЫ

Верми кө,  
руд енэжбды малалі,  
Да бордьясөс тай  
Муса верөс  
таяліс...

Кужи кө өд,  
Мамө моза  
ыдждөдлі,  
Да кывьясөс тай  
Нылөй карө  
пышйөдіс...

Көсий кө,  
И тэкөд муні,  
ловтөмөй.  
Да кодлы нө ме кола,  
аслым ковтөмөй...

✕ ✕ ✕

А өти рытö  
тэныд ставыс мустöммас,  
Да петан тэ  
виль олöм-вылöм корсьны,  
Кöть эськö важас  
Эн вöв медся шудтöмнас,  
Кöть эськö гажтöм  
сьöлöмтö эз босьтлы.

Но окота друг лоас  
туйтö вунöдны,  
Няйт гуангясöд  
эбöс быртöдз лэбны.  
Мед важөн пышйöм  
вильш нывсö суöдны,  
Да гусьöникөн кисö  
киад дзебны...

## СЫКТЫВКАРЫ

Тэнад вёлём ни енэж, ни му  
Гөгөр дорёма сiмлытём  
көртөн.

Весиг некытчө  
Лэбзывны вётөн.  
Мый нө ланьтөмыд,  
нинём он шу.

Юмов сур пиад  
лолй оз пөд,  
Топыд кутлөмад  
сьөлөм оз шонав.  
Вежон, төлысь, а гашкө, и  
во на  
Овны тадз...  
Весиг ачыд он төд...

✕ ✕ ✕

*И.*

Ми тэкӧд некор эгӧ рӧдасьлӧй,  
Кузь вужйись быттьӧ  
                                тӳрзим-полӧм.  
Кымынысь едждылӧм  
И сьӧдасьлӧм,  
Но ӧта-мӧдысь  
                                бокын олӧм.

И менам лимзалӧмӧй —  
                                буситӧм,  
И синва шорлӧн  
                                курыд кӧса  
Оз гегдӧд небыд еджыд  
                                кучиктӧ,  
Ни морӧс кушинтӧ оз лӧсав...

✕ ✕ ✕

Көть и уськөдчылін вөтө,  
Лунтырөн тай  
    эн и паныдась.  
Арся зэрас  
    сьёлём пөдө.  
Код нин бара-й  
    кутлас-шаньодас.

Таладорас, гашкө, сэсся  
Он и воы, он и  
    мыччысьлы.  
Прөста эшкын улын  
    песся,—  
Восьса синмөн тэнө  
    виччыся...

✕ ✕ ✕

А сингяс кевмисны  
«Эн мун...»  
И синва шорö  
    сьолöм пöдiс.  
Сьöд кок туйяслы  
Тöлысь-тун  
Виж джодждöрасö плавгис.  
Тöдiс,  
Мый тавой петан  
    быгтьö шыш,  
Он весиг пöддышт  
    дзуртысь öдзöс.  
И катликасьысь муса мыш  
Пем вошас орчча парма лöзас...

✕ ✕ ✕

Мусö зарниён коялö ар,—  
Няйтсö дзебö.  
Луныс вывтi нин  
Дженьыд да няр,—  
быри эбöс.

Регыд, регыд,  
Он гөгөрво кысь  
пужтор чужас.  
Сэсся енэжён пожналём пызь  
лымйö вуджас...

✕ ✕ ✕

Тöрыт на тривкъяліс гожöм,  
А талун со шöчалö ар.  
Эг чайтлы, мый туйыс кык вожа,  
Эськö эг таласö гарт.

Мый дыра тэ бöрся вöтча,  
Весиг он мыччывлы мыш.  
Тöрыт на гожöмыс кöвтчис,  
А ар нин со сиралö пыж...



✕ ✕ ✕

Олөмсьыд пö  
колö мунны мичаа,  
А, гашкö, кыдзи олин...  
Мыйысь, сідзкö,  
менö видзан.  
Мыйысь полан...

✘ ✘ ✘

Медбөрҗя шондїөн  
гожомыс малалө.  
Енэжыс гудыртчө,  
ыркыдсьыс палялө.  
Аскомысь ёртъясöй  
лунвылө лэбасны.  
Бара мем отнамлы  
арыскөд рөдасьны...

✕ ✕ ✕

Восьса өшинь улын май  
Нюмнас ёрö.  
Мöдлапöлö дзодзөгөн  
Уйны корö.  
Майлы эскыны  
Оз позь.  
Шоньд ковта  
Пельпом вылö шлапнита,  
Пачьяс ломта...

✕ ✕ ✕

Важөн сөнікасис чайыд,  
Чорзис нянь.  
Дасысь корліс  
ыджыд мамыд  
паччөрсянь.  
Тэнад быттьö гөгөр куліс.  
Овлывлө...  
Тайö бара локтö тулыс  
му вылө...

✕ ✕ ✕

Визувтлі  
бördömtі,  
кевмөmtі,  
лөжті.

Тэ меным муса нин.  
Муса нин.  
Пөшти.

Велалам.  
Өтканад нөшта на  
гажтөм.

Ме тэныд кола нин.  
Кола нин.  
Гашкө...

✕ ✕ ✕

Ме бара аслам сиктын.  
Бара  
Йöз йöрö чатрасьöмön довга.  
Гын сапöг улын гирскö чарöм,  
Быд воськов кыскö увлань ловтö.

Мам керка рудöдöма,  
Вежынь.  
Кузь тöлас  
    лöсьöдчöма вошны.  
Кык моздор кос пес  
    сетас вежань,  
Мед енэж вевтсö  
    тшынön потшны.

Рытгорув öшинь  
    восьтас синсö.  
Кыз тшайник пондас  
    пуны-пöдны.  
Кын съөлöм аддзас  
    аслыс инсö  
Да корас паччөр вылö  
    бöрдны...

✕ ✕ ✕

А тэ некодысь эн пов.  
Греклы личодомтö корсям.  
Збыльыс — сөмын нянь да сов,  
Сэсся ставыс тани ворсөм.

Кытчö косьян, сэтчö-й мун.  
Косьян, карö, косьян, вөрö.  
Збыльыс — сөмын вой да лун,  
Сэсся ставыс тани сөрөм...

✕ ✕ ✕

Коркө тайо ставыс бара лоас.  
Уськөдчасны еджыд небыд толаас  
Кодзувьясыс.  
Ёвкнитыштас көдзыдыс,  
Сэссия-й гудыр синва войтсө  
шорө сөдзөдас.

Котөртасны кыкөн кутчысьөмөн.  
Отарыслөн гын сапөгыс дөмөм...  
Коркө Енмыс лөсьөдас дзик тадзи өд?  
Жаль, мый некор тайос тэкөд ми ог  
аддзылөй...



✕ ✕ ✕

Муыс катовтчö тулыслань.  
Слабог.  
Аски-аскомысь,  
Быттьöкö ва боль  
Шыöн шлочнитас  
Пос помын гуран.  
Нырсö чатыртас  
Жебиник турун...

✘ ✘ ✘

Гашкӧ, тӧд вылад  
рытъядор уськӧдлан.  
Гашкӧ, вӧтъяснад воча ныр  
пуксьӧдлан.  
Гашкӧ, кодкӧ дзик ме моза  
видзӧдлас,  
Ме кодъ нюмторйӧн  
чужӧмтӧ личӧдлас.

Коді тӧдас,  
мый водзынас виччысьӧ.  
Гашкӧ, ылӧдлас  
бердад выль ниртчысьыд.  
Гашкӧ, мыйла кӧ  
эновтан сӧдтӧ,  
Да и ме дорӧ воан на.  
Колӧкӧ...

✕ ✕ ✕

Тэ абу скөр ни абу колысь.  
Тэ некыдз абу қарын олысь.  
Вай, өдйө пышйы татысь гортад,  
Да сьөлөм колястортө водгөд.

Мед карыд кодзувъясөн койө,  
Быд кодзув сьлөн ловтө сөйө.  
Вай, котөрт, котөрт, да эн чатрась.  
Быд усьөм кодзув — сотчөм сартас...

✘ ✘ ✘

Еджыд лымйөн  
Тупкысяс му веркөсыс.  
Код дорө тэ  
Лым толасө талялан?  
Кутшөм морос вылын  
Аски палялан.  
Коді тэнө шуас  
Аслас верөснас?

Еджыд лымйөн  
Тупкысясны сингясөй,  
Тупкысяс гөрд вом дорөй  
Да сьөлөмөй...  
Кодкө мекьш шудаджык на  
Вөлөма...  
Коркө сьлөн шудыс  
Ме моз чинлас-ө...

✕ ✕ ✕

Эз некод вөтлы,  
Ачым муні.  
Эз некод ылөд —  
Сьолөм сэзь.  
И мамлөн кивъясысь  
эг уммы,  
(Мед унджык кивйыс  
вошö весь).

И веж эз петлы  
Вокъяс ылө,  
Мый налөн карын  
оланін.  
А со тай йөзын  
лолөй сылө,  
Да мырдөн корсьö  
шоньдін...

✕ ✕ ✕

Мыйон матысам,  
Сійон ылысам.  
Кияс киясын,  
Сингяс — дзебасын.

Мыйла ылөдчам,  
Мыйла мучитчам,  
Корли олөмным  
Войт нин кольыштис...

## ТУЙ ВЫЛЫН

Йизьӧм ӧшинь бердын,  
Кушмӧм пасьяс костын  
Кывза сьӧлӧм бертӧм,  
Петтӧм синва косьга.

Туйыс ӧдва водӧ  
Автобусыс улӧ.  
Вочаалас кодӧ  
Вунӧм пувья юмӧн?..

✕ ✕ ✕

Ме пöда тэнад  
топыд сывйын,  
Ме быгтьö чери,  
кодi тывйын  
Мый вынсьыс пессьö-  
петö ортсö,  
Мед нылалыштны  
сынöдгорсö.

Тэ окалан.  
Тэ синнад сотан,  
Тэ кöйöмгьясöс  
öктан-вотан.  
Но личöдны  
он вермы долöс  
И быд лун матыстан  
нэм помöс...



✕ ✕ ✕

Помтём войын еджыд бобув лэбалё.  
Оз гөгөрво усьны югыд лэб улö...  
И ме тшöтш жö  
    инасьтём да эбöстём,  
Быттё мустём зонлön  
    мустьём невеста...

✕ ✕ ✕

*Н.*

Мед сэні турөбыс  
толаас туплясьö,  
Терпительшт төлыслысь  
медбөрья здукьяссö.  
Эбөстөм ловшынад  
өшиняд лолалышт,  
Абутөм синванад  
йиторсö солалышт.

Мыччасысь шондйис  
пөжасьны дасьтысьö,  
Медвөсни платьöас  
пелысьыс пасьтасьö.  
Терпительшт неуна,  
удитан кулыштныд.  
Абу мөй окота  
йинёнсьö нюлыштны...

✕ ✕ ✕

Ог төд, кытысь локтін,  
Ог төд, кытчö мунан.  
Кымын олöм лотін,  
Кутшöм нимөн шусян.  
Карöй синмад кольчча,  
Пытшкöсэд ли тюра.  
Öтнам төлас сотча,  
Али тэкöд кула...

✕ ✕ ✕

Тэ эн и тōдды,  
    мый ме тэнō  
            радейтлi.  
Мый энэжōдзыс  
    морōс бердын  
            катōдлi.  
Тэ эн и тōдды...  
Бур,  
    мый эн тōдды...

✕ ✕ ✕

Тэон тэчлөм коросьыд  
небзьөдігас ыгалі.  
Тэон кутлөм ыланьыд  
саялін, и ыгалі.  
Тэон гижлөм кывбурыд  
тшынөн вөтчө бөрсяньыд.  
Мый тэ коркө лолалін  
кывла, гашкө, йөзсяньыс...

✕ ✕ ✕

**В.**

Тэ менам кывъяслы эн эскы,  
Тэ менам синъясö эн ылав.  
Мем аски тэкöд  
Лоас дзескыд  
Да пышгя садьтöг  
Ылö-ылö.

Тэ ассыд сьöлöмтö эн кульышт,  
Оз йиджтысь сэки синва-дойыс...  
Тэ прöстö  
Мекöд орччөн куйлышт,  
Мед кузьджык лоас  
Гожся войыс...

✘ ✘ ✘

Чусмём кодзுவьяссё сера курёг  
кокаліс.  
Лысва сикётш мольён  
югзис лудлөн потаныс.  
Пета, лолалышта  
олёмыслён садьмёмнас,  
Гашкё, кызкё-мыйкё  
ота-модкёд ладмам на...

✕ ✕ ✕

***В.***

Югдö. А ме синмöс эг на куньлы.  
Бергалöмсьыс вольпасьöй нин кольмис.  
Мед кöть öти здук кежлö тэ вунлан!  
Мед кöть дoйöй муртса менö кольлас!

Бара лунтыр овны мырдöн сорөн...  
Oз нин, бурак, жалитысьыд сюрлы.  
Мыйла, муслунöй,  
Он лэччы синва шорөн,  
Он сет личöд  
Морöслы ли, юрлы...



✕ ✕ ✕

Тэ мунан,  
Тэ вошан,  
И быгтьо эн менамөн  
Ичөтик Оломас вөв.

Горзөмөс,  
Бимзөмөс,  
Кевмөмөс  
Шаньодас  
Йирк выло шыбитлом көв...

✕ ✕ ✕

Тöлыс қоз пу улö йöжгыльтчöма,  
Кыйöдö:  
Дыр-ö Тулыслөн оз мыччысь  
Шондi-юркытшыс.  
Кöсийö гусьöникөн  
Уськöдчыны мышсяныс,  
Медым пöттöдз нывсö  
Тола пиас туплявны...

## ВИЧЧЫСЬӦМ

Кык вежон чӧж нин  
гӧна шапка зэлӧдӧ.  
Кык вежон чӧж нин  
гынсапӧгӧй дзескыд.  
А мамӧй оз и мудзлы,  
ропкӧ-велӧдӧ:  
«Эн сибӧд, бара-й,  
мартлысь муртса несйӧм».

Дас нель лун чӧж нин  
увлань юра олӧмыс.  
Быд войӧ небыд кымӧржасті уя.  
А мамӧ ассьыс:  
«Дзикӧдз, нылук, омӧльтчин».  
А ме эг омӧльтчы,  
ме петі муслун туйӧ...

## АПРЕЛЬ

Медбөрҗа кодзувҗас  
Усьёны тувсовҗа нйятас.  
Шондильс енэжсö  
Ёна нин төлысьыс пайкис.  
Ловзьöмабсь ракаяс  
(Натöг нö праздникыд  
кыдзи!)  
Кар тырнас вензьöны —  
Бöрийöны платтьöсö кыдзы...

✕ ✕ ✕

Нюжмасьö  
тувсовъя луныс,  
Очсалö гежöдик  
шондiөн.  
Тöвбыднад йиджöма  
унмыс,—  
Лэдзлас да  
бара на шобрöдлö.

Мый вынсьыс  
кучиксö зэвтiс  
Ва гуран. Видзöдлан —  
розьялас.  
Толалөн рудöдöм  
зептас  
Регыд нин  
дзоля шор позьялас...

## **ВОАС ТУЛЫСЫС ДА...**

Мыччысясны берингъяс  
Тэнад векни чужомад.

Көтөдасны кок туйтө  
Увлань юра йинёнъяс.

Кевмысьыштас тэ понда  
Небыд юра бербайс.

Гөгөрвотөм юмовыс  
Топодыштас морөстө...

✕ ✕ ✕

Пырав ме дорö —  
Лэбальштам.  
Кыссысь йöз вылас  
Серальштам.  
Дзикöдз виждöс  
Вунöм бордйöй.  
Дзикöдз мустöммис  
Семья-гортöй.  
Кежав аски жö —  
Лолальштам.  
Паськыд енэжнас  
Кодальштам...

✘ ✘ ✘

Öшинь улӧс майыс дӧмӧ  
Шондӧ рӧмӧн.  
Мижуй тӧлыс ёльӧ лӧччӧ,  
Усьӧ-чеччӧ.  
Кыдзьяс-кагукъяссӧ  
Корйӧ —  
Рузумторйӧ  
Енмыс тӧбӧ,  
Рыгтя чӧвлы  
Сьылӧ «ӧввӧ»...



✘ ✘ ✘

*(М.Цветаевалысь вуджӧдӧм)*

Рӧмпӧштанлӧн гудыр вӧтӧ  
Сунала.  
Кытчӧ тэнад водзӧ туйыд  
Тунала.

Пыжӧн кывтӧн,  
Сэссия пуксин поездӧ.  
Кольчысь муыс  
Руӧ дзебӧ дойяссӧ.

Рака-войыс музӧм бордсӧ  
Веськӧдӧ..  
— Кытчӧ кӧсьян, сэтчӧ-й мун,  
Дзик веськодъ мем...

## МУЛЫ ТУВСОВЪЯ СЫЛАНКЫВ

«Чеччы, чеччы, кагукöй... —  
Сыло пöч,—  
Эшкын улад нускин со  
Пыктавтöдз.

Нешмасьышт да польöдчышт  
Шоръясас.  
Сералöны-гигзöны  
Боръясыс.

Смоль сьöд, небыд юрситö  
Сынала,  
Тöлöдышта ар дуксö  
Сынöдас.

Тэрмасьышт, вай, аканьöй,  
Сьöлөмшөр.  
Гажтөмтчис нин жöникыд —  
Вильыш гөр...»

✕ ✕ ✕

Менö тэ пыдди  
кольбодіс зэр.  
Пельö тэ пыдди вашкөдіс:  
«Кольчы...»  
Сылөн небыдик паръяссыс ме  
Пöшти коддзи.

Зэркөд асылөдз  
шлaпсьөдім ми.  
Гуран-саридзьяс  
өтвылысь «шутім».  
Сійö тэ пыдди шоналөм ки  
киас кутіс...

✕ ✕ ✕

Быгалём бус пиын  
Чеччөмсянь шлайчча.  
Төвруыс понпиён  
Кок улын гартчө.  
Пөрны кө гусьёник  
Гутё ли номйё!..  
Сөмын өд беринёй —  
Сизимсё комын.

Турунвиж кымёрын  
Шомакор гигзё,  
Лысвалён колясыс  
Синъяссыс киссьё.  
Кёкинё, позё кө,  
Туналыш унджык.  
Абу на окота  
Мёдарас вуджны...

✕ ✕ ✕

Менам Енлы  
вичкояс оз сулавны.  
Сэні сисьяс питыс  
оз уявны,  
Батюшколысь молебен  
оз кывзыны,  
Клирос вылын  
зонкаяс оз ымзыны.  
Сы дорö оз кежав  
«Ыджыд чингяса»...

Менам Енмöй ме кодь  
мутöм сингяса.  
Öшинь дорын лун-вой менö  
кыйöдö.  
Синва войтнас сямтöм туйöс  
шыйльöдö...

✕ ✕ ✕

Став кывсö шуöма,  
Став нюмгялöмсö зэвлöма,  
Кок туйяс öктöма и косявлöма.  
Бöрд,  
А локтан бöр, —  
И кывйыд тэнад вунöма,  
И кыдз пу улад  
Нимкодясö мöд...

✕ ✕ ✕

Вежон кежлө сибөдчыліс гожөмыс  
Менам карө.  
Эг на удит юльсө пөдтөдз ошкыныс,—  
Гөгөр ар нин.

Лөза-вижа ывла вылыс гегдөма  
Йи зэр улас.  
Сідз и гөррдзасьлыгөм өмидз-лежнөгнас,  
Коньөр, кулас...

## ЮЛЬ

Гожöмыс лымъялö  
сизимöд вежон —  
Тырöма кар.  
Нинöм оз гөгөрво  
томиник лежнөг:  
— Та öдъя ар?!

Гөрдөдөм вом дорсьыс  
пöльышта лымсö —  
Ыджыд тай шог.  
Бöрддзыны лöсьöдчысь  
беринöсь нывсö  
Ог бөрдөд. Ог...



✕ ✕ ✕

Кывтор бӧрся кывтор —  
Ямис бӧръя сӧрни.  
Воськов бӧрся воськов —  
Косавнытӧ сӧр нин.  
Тулыс бӧрся тулыс  
Ар да гожӧм костӧд.  
Олӧм бӧрся олӧм  
Верӧстӧг ни позтӧг...

## ГОЖСЯ СЕРПАС

Восьса өшиньяса керкаын  
Ойбыртчöма мудзöм кывт.  
Няньтор нильзö  
Помöй ведраын.  
Кадыс кывтö и оз кывт.

Лапыд джоджын  
Матич вашгьялö,  
Онишпырысь шузьö йöв  
Пызан вылö кольöм чашкаын.  
Асья руöдз гөгөр чöv...

✕ ✕ ✕

**В.**

Войыс сибөдчө өшиньяс пырыс.  
«Ме ог бөрд, мыйкө синмө тай  
пырис...»

Туйыс плавгысьома кильчө сайө.  
«Вывтi пось тэнад стөканын  
тшайд...»

Тичкө часi. И ылөдчө. Муртса.  
«Шонтөм улөсыд нөшта на  
муса...»

Шогыс мөдөдчис лысвасө көвтны.  
«Дзикөдз кольчча өд, колөкө,  
вөтлы...»

✕ ✕ ✕

Тэ кольчан асылдзыс сөмын.  
Он вур тэ сьолёмös,  
    куш дөмлән,  
Мый луннас сийö  
    бара резьдö,  
Кöть сунисыс и ён пö  
    эськö.

Тадз нэмсö, бурак, ковмас овны —  
То йитчивны,  
    то другысь орны...  
А, гашкö, ставсö  
    выль пöв эжны  
Да вурсьысь-шöрасьысьсö  
    вежны...

✕ ✕ ✕

Тэнад кильчө дорө  
Мөдөн туйыс юждөма.  
Сийө мусаджыкөн  
Меысь лоны кужөма.  
Сөмын потшөс саяд  
Век на гусьөн ветлөдла,  
Шөйтысь поньясыслысь  
Мырдөн серам петкөдла.

Гашкө, тадзи тэнад  
Шудлун вөсна кевмыся,  
Гашкө, сьөлөмторйөс  
Тадзи сотны тэрмасыя.  
Гашкө, лелькуйта да  
Вида ассыым полөмөс.  
Гашкө-й, виччыся,  
Кор сылас южмөм толаыс...

✕ ✕ ✕

Олөмыс петкөдлас,  
Мыйла ме чужлі.  
Мыйо эг босьтчыв,  
А мый эг и кужлы.  
Кытчаныо муні  
Да кодаро вои.  
Кодон пыр косьи,  
А кодон со лои.

Еньюгыд олөмой,  
Ёна эн дивит  
Сыысь, мый сьолөмой  
Тэ дорө сибыд.  
Сыысь, мый асмоса  
Лодавны косья.  
Сыысь, мый куса  
И сыысь, мый озья...

✕ ✕ ✕

Сикт сайö йөршитчөм оляс  
Синмөй колис.  
Та дыра ветлөдлан-шөйтан,—  
Кор и пөтлан.  
Шешгялө потшөсөдз тола,  
Тшайй сола.  
Здук кезлө петав коть. Ньюмөд,  
Сэсся-й, вунөд...

✕ ✕ ✕

Коръяс дзодзөггяс бөрся  
эз лэбны,  
Шытөг усины  
шпыньялысь няйтас.  
Сійö ёна нин  
пуяслысь дзайгис  
югыд зарнисö.

Коръяс дзодзөггяс бөрся  
эз лэбны.  
Найö енэжлысь көрсö  
оз тöдны...  
И ме мый вынысь  
вывлань жö  
мöдлi.  
Со тай, тупляся...



✕ ✕ ✕

*В.*

Кык кыв,  
И весьӧпӧртас чӧлыс.  
Кык кыв,  
И кок туй тыртас тола.  
Тэ меным медся муса вӧлін,  
Тэ меным медся муса колян.

Кык кыв,  
И нетшыштасны сьӧлӧм.  
Кык кыв,  
И — водзӧ овны полан.  
Ӧд тэ мем медся муса вӧлін,  
Ӧд тэ мем медся муса колян...

✕ ✕ ✕

Ен мед видзас  
Муса олөмөс.  
Ыджыд видзө  
Прөщя корөмөн.  
Маджаланьö —  
Тіпкан сьөлөмөн.  
Збойөн, шаньён  
Енэж пөлөныс.

Чужан кывйын  
Лолөй чунясьö.  
Зэрын-лымйын  
Садытөг шуда жö.  
Кор и пөтла  
Сынöd колөмсьыс!

Эм-ö мөд на  
Татшөм олөмыс...

✘ ✘ ✘

Менам тэ кыңдзи  
Некод абу.  
Кыткө увгөмөн,  
Кыткө ладон.  
Тулыс-ар пырыс  
Сьорсьон-бөрсьон  
Кок туй разало,  
Арлыд чөжсьо.

Орчча дивитлас  
(Век жө сёрни),  
Сөмын вежсьыштны  
Быттьо сёр нин.  
Велалөмыд өд,  
Дона шабур,  
Да и тэ кыңдзи  
Некод абу...

✕ ✕ ✕

*В.*

Чаньлөн щөтьыс бурьыслань,  
Төвлөн сөптыс тулыслань.  
Менам кок туй тэлань,  
Быттьö вöсни черань вез.

Бшмыссис, тай, төдлытөг.  
Шуда вöлі төрыг өд,  
Талун өдва лолала,—  
Юммөдан ли солалан...

✕ ✕ ✕

А, гашкө, нинөм оз и ков  
Шуны.  
Гурано — сьөлөм, гуо — лов  
Суні.  
Эз некод тшөкты-мырдөнав,  
Асьным  
Тадз көсйим. Синлыс мыйла нө  
Вазьө.  
Кык кага муслун чачаысь умим  
Да колим, йойос, шлячаө  
Кувны...

## КЕВМӨМ

Мед тэкөд орччөн  
унмовсьыны-садьмыны,  
Мед тэнад шыö  
лолалөмөн ладмыны,  
Мед тэөн бөрдны,  
тэөн жө и серавны,  
И тэөн, тэөн  
личавны да зэлавны.

Мед тэнсьыд питө  
сьөлөм улын лелькуйтны,  
Мед тэкөд өтвыв  
тільсьыны и немуйтны.  
Мед тэ мем вөлін  
корысьөн и, сарөн и,  
Мед тэа-меа —  
му пыгшкө ли, райө ли...

✘ ✘ ✘

А меным любö  
Коми кывтö кывзыны,  
Кöть эськö сійö  
Рочмöма нин кызвыннас.

А меным кокныйд  
Коми кывнад мöвпавны,  
Кöть эськö быдöн  
Зильö сійöс вöйпöдны.

А меным муса  
Коми кывнас гижасьны,  
Кöть эськö сыөн  
Сьöкыд öнi инасьны.

А меным майбыр  
Коми кывкöд рöдасьны,  
И едждыны, а ковмас кö и  
Сьöдасьны...

✦ ✦ ✦

*Алёна Ельцовалы*

А муртса рытыс  
    кокъяснымос венас,  
Ми тэкөд мудзтөдз  
    кывзам Джо Дассенос.  
И сэтчө, сэтчө,  
    ылі чужанінө  
Восныдик ловъяс  
    жбырнитасны инны.

Тиралысь ва чут  
    чужом бокөд кырас,  
Чунь помө дзебсяс:  
    «Ёгтор синмө пырис...»  
Со бара ньоти  
    узытом коли войыс.  
Москваса асыв  
    кывбурнымос лояс...



✕ ✕ ✕

Сьӧрсьӧн-бӧрсьӧн  
Быгалӧны войяс.  
Эжва юлӧн  
Берег пӧлыс —  
Ойя!  
Потшӧс бокын  
Вижьюр сора нигӧн.

— Мыйкӧ нӧшта?  
— Нинӧм, Енмӧй, нинӧм...

✕ ✕ ✕

( *А.Ахматовалысь вуджӱдӱм* )

Шондісӱ сьӱлӱмӱй ӱдва нин казтылӱ,  
Вижӱдіс йӱр.  
Тӱвруыс пузчужӱм лымчирӱн  
разсылӱ,  
Быттьӱкӱ шӱрт.

Лӱньӱма ваыс — ни увлань,  
ни вывланьӱ,  
Сӱнӱклы рад.  
Тась, сӱсся, некор да нинӱм  
ог кывлы ме.  
Кулӱма кад.

Бадьяслӱн летйысьӱ енӱжа кушинас  
Паськӱдӱм ки.  
Колӱкӱ, бурджык, мый эгӱ и шусылӱй  
Гозьяӱн ми.

Шондісӱ сьӱлӱмӱй ӱдва нин  
казтылӱ.  
Вӱлі, эз вӱв?  
Асьядор олӱмӱс топӱдас кабырас  
Тӱв...

✕ ✕ ✕

«Ме радейта тэнö...»  
Пель бокті чирскöбтіс,  
Тöлыслөн лезьöдыс  
кок улö исковтис.

«Ме радейта тэнö...»  
Йöлалөн нерсьыссис,  
Кывъяслөн вежöрыс  
Быгаліс, летйыссис.

«Ме радейта тэнö...»  
А, гашкö, и каститчис.  
Гашкö, эг ми,  
Кодкö неылын вашкöдчис...

✕ ✕ ✕

*(А.Ахматовалысь вуджӱдӱм)*

А тэ чайтін, ме на кодь жӱ вӱлі,  
Да на моз жӱ вуна дзик пыр.  
Гашкӱ-й, шыбитча кок улас вӱвлы,  
Морӱс синваӱн лоас кор тыр.

Али тӱдысьлысь дзайгышта войӱ  
Меным сетыштны смилитантор.  
Тэнсьыд сьӱлӱмтӱ гудралас-лояс  
Шальӱ тӱбыштӱм косьтӱм лапкор.

Енлӱн ёрӱмысь жальӱй оз чукты,—  
И лолыд, и сьӱлӱмыд — рот.  
Сӱмын тӱд: мед кӱть ковны он дугды,  
Мед кӱть сингясӱ сибалас шог.  
Мед кӱть нэм кежлӱ коля ме шудтӱг,  
Некор тэ дорӱ бӱрсӱ ог лок...

✕ ✕ ✕

Ме бара муна,  
Тэ бара кольчан.  
Ме шуа: «Кула...»,  
Тэ гусьон: «Шойча...»

Виж синва-кодзув  
Лөнъ войыс кояс.  
Оз вөрзы метог  
Сьод рёма поезда.

Ог сяммөй вежны  
Көрт туйлысь ньөвсө,  
Ни бокө кежны.  
Сьод тшыныс лөвтө.

Кык воськов мысти  
Ми тэкөд бырам,  
Мед өта-мөдлы  
Бөр чужны дырөн...

✕ ✕ ✕

Лымйыс — пидзөсөдз,  
Лөнныс — чунавтөдз.  
Бара ичөтось  
Тэ да ме.

Усьыс кодзувы  
Шөпкам-тэрмасям  
Пашкыр коз улын:  
«Сет вай, Ен,

Мамлы китыр сьом  
Сакар-нянь вылө,  
Марпа каньнымлы —  
Сизим пи...»

Быттьө ичөтось,  
Эг и быдмылөй.  
Ловъяс личыдось,  
Киын — ки...

✘ ✘ ✘

Сэтшөм өд дыш  
еджыд ноябрас петны,  
Кок туйос толасьыс  
пöсьвтөдз летны.  
Водзись-водз самасьом  
төв вылас сөткыны,  
Шапкао пузчужом  
лымчирьяс öктыны.

Кымынысь кöсьысьлі  
Войвывсьыс мунны,  
Саридза гожомö  
нэм кежлö сунны.  
Сöмын со бара на  
кольчи да любуйтча,  
Кыдзи гөн вольпасыс  
муыслөн пузувтчö...

✕ ✕ ✕

Төвру сурөн кодалоны кызьяс,—  
Менсьым бара  
    петкөдлөны вежос.  
Кор нин мустом  
    видзөдчанос вежла,  
Кор нин меным  
    гожөмторйыс вичмас.

Вушйом джоджыс лымчирьясө пөдө,  
Небыд гоныс  
    кок пыдөсөс шонтө.  
Тані арөдз  
    бара на ме ковтөм.  
Карыс лөзас  
    сибөдөма мөдөс...



✕ ✕ ✕

Ни аски, ни аскомьсь.  
Некор...  
Сьолёмой ватшкөма,  
Неджөг.

Ачымös ылөдлі  
Ачым.  
Ловторйös сьылөдö  
Шляча...

✕ ✕ ✕

Кыаыс енэжсö потшас.  
Йöрмасны мöвпгъяс  
И увлань  
Лэччасны  
Öшиньянь — юрö,  
Пöрасны быгьясьсöм сурö.

Гашкö, оз сурö,  
А кывйö  
Воштылöм лöп-шыяс  
Пиын.  
Сйöс ми кыкнанным  
Тöдам.  
Чöв-лöняс шутöгыс  
Пöдам...

✕ ✕ ✕

**В.**

Тэ менө талун  
ас дорсыд эн вөтлы.  
Ме сы дыра нин  
карас шөйтї өтнам.  
Ас кежысь шөпкөдчөмсьыс  
гөлөс көрөй вуні,  
Юксытөм синвасыс да  
шмонитөмсьыс уми.  
Эн пов, ме тэнсыд оломтө  
ог торкышт,  
И мөдлы видзөм вом дортө  
ог окышт.  
Ме сөмын лолалөмад  
суныштла. И бара  
Ачымөс корсьны пета  
тайө мустөм карас...

✕ ✕ ✕

Олөмыд ставсө на вичмөддас,—  
Кильчотө лымчирөн мичмөддас,  
Вашгьялысь беринөн  
кылөддас,  
Вижа-гөрд нюръясөн  
ылөддас.

Бөрдыштан, сөрыштан,  
сьылыштан.  
Аддзөдчөм-янсөдчөм  
нъылыштан.  
Сывйышталас вомидз и  
ылөдчөм.  
Лэбзылан, сунгысьлан,  
кыпөдчан...

✕ ✕ ✕

Тэныд гажтөм,  
Меным гажтөм.  
Вай жö öтвылысь  
гажтөмтчыштам.  
Йөрным пасьтөм,  
Потшөс кашкө —  
Топыд толаыс  
зэвтö мышсö.  
Тшайным ютөм,  
Öдвa кутö  
Пышйысь шоныдсö  
вунөм паччөр.  
Еджыд шудö  
Олөм дудіс.  
Некод гажöдысь  
Оз соб татчö...

✘ ✘ ✘

Вывті дженьыд олөмыс,  
Вывті өдья муслуныс.  
Таладорас волөмыс  
Коркө вөтөн усьлас-ө.

Коркө, грекьяс вештігөн  
Жальөй петлас кымынысь  
Сямтөм туйөс вежтөмысь,  
Кывбурьясөс кылөмысь?..

✕ ✕ ✕

Медводдза лым,  
быттё медводдза муслун  
Ышнитліс, вашнитліс,  
дойдіс и чусмис.  
Кодало муыс,  
туплясьо няйтын.  
Олөмыс та вылын помасис,  
чайтө.

Сөмын өд толаыд  
радейтчөм кодь жө, —  
Виччысьтөг тупявлө  
катшасин мойдас.  
Асывнас арын  
гусьоник бөрдан,  
Рытланьыс —  
нюмьялысь кок туйө пөдан...

## ВАРОВИТӦМ

— А менам өшинь сайын мойд...  
— А менам — асывсяньыс шляча.  
И няньой сотчис одья пачын  
Да пий ыждадӧ, оз сей...

— А тавой вӧтӧ усьлн тэ,  
Сьӧд синкымъяса нывка-дзоридз...  
— А менам унмой сэтшӧм чорыд,—  
Кымынд верӧс нин оз вен...

— А, тӧдан, коли нэм дай во,  
Кор кӧрин сьӧлӧм-лолӧс. Тӧдан...  
— А меным энъка лӧвтӧ-нӧдӧ,  
Мый меысь тӧлкыс эз и ло...



✕ ✕ ✕

**В.**

Ме тэнö радейтны ог куж.  
Оз шогмы тэныд сёлöм-лолöй.  
Тэ менам кывторгясысь полан,  
И сёрни некыдзи оз чуж.  
Но велöдыштны: кыдзи-мый  
И тэнад сямлуныд оз тырмы.

Кык вожа туйöд довгам-сырмам,  
Дзик ковтöмгяслысь содтам лыд...

✕ ✕ ✕

***В.***

Тайо ме тавой вольсали лымсö,  
Медым вöснъыдик кок туйтö колин.

Тайо ме тавой кодзула тывсö  
Чöвтi. Медым эн вош гажтöм оляс.

Тайо ме тавой тöвсö эг мынтöд,  
Медым юрситö тэнсыйд эз лёззьöд.

Тайо ме тавой сьөлөмтö сывдi,  
Медым радейтчöм тэнö эз повзьöд...

✕ ✕ ✕

Ачым ог на тӧд,  
Кытчӧ войыс суас.  
Кодзувьяса шӧрт  
Кытчӧ кокӧс нуас.  
Кӧнӧ быгъя сур  
Тӧрзӧм лолӧс шонтас,  
Кодлысь вильыш юр  
Шаньӧднысӧ понда.  
Гашкӧ-й, ӧтнамӧн  
Пемыдӧнас уся,  
Ойзӧм-лӧвтӧмӧн  
Кыаыскӧд куса...  
Юасьны эн мӧд,  
Шуасьны эн шуась.  
Ачым ог на тӧд,  
Кытчӧ войыс суас...

✕ ✕ ✕

Кузь төлөдыс тапиктам орччөн.  
Ме комйөн сора, тэ — рочён.  
Ме — шенася, муртса ог лэбзы.  
Тэ — сой пөлөд кутан да нерсян.

Мый көдзыдыс миянлы, лымйыс,  
Мый ру пытшкө төбыштөм кывйыс!  
Ме — тэнад. Тэ, мусаой, менам.  
И төлыслөн кок туйыс эм на...

✕ ✕ ✕

Тöлыс воис виччысьтöг.  
Мыссьытöг ни бритчытöг  
Пельсь коръя вольпасьö  
Кöзьяинöн базгöдчис.

Муыс быдсөн лайкунлис,  
Öдвa-й петис радлуныс.  
Сэссия вунлöм верöссö  
Сывйыштис да ланьтöдчис...

✕ ✕ ✕

Менам керкалөн  
    өшиньяс пемыдось,  
Некод удж вылысь менө  
    оз виччысь.  
Войяс кузьось,  
    а лунгясыс дженьыдось,  
Кор абу ни ошкысь,  
    ни видчысь.

Куим улöсысь  
    өти и шонавлас.  
Тасьтi чукöрысь  
    өти и нййтчас.  
Гуся броткөмөс  
    радио вомалас,  
Дзор юрсийс  
    рөмпöштан аддзас...

✕ ✕ ✕

Дзебас синваёс жалитысь войыс.  
Мыйкө бара на  
    олөмкөд лоис.  
Мыйкө бара на  
    сьлөм оз инась,  
Оз гажөд ни гудөк, ни вина.

Кая гортө  
Да воштөдча төлас,  
Мед оз аддзы ни шонді,  
    ни төлысь.  
Паччөр муслунө ойбыртча каньон  
Виччысьны,  
    Енмыс кор шаньмас...

✕ ✕ ✕

Пышкай воськолөн  
Содö луныс.  
Регыд, регыд нин  
Воас тулыс.  
Тірзыйсь шоръясөн  
Мыськас чужом,  
Öвтас-разодас  
Мустом узьом.

Эн вай, ышлолав,  
Весав лымтö.  
Кöдзыд тöлыслы  
Ставсьыс мынтам.  
Дзажнит гудöкнад,  
Пöдты полöм.  
Бара ловьяось,  
Сідзкö, олам!..



✕ ✕ ✕

Олӧмным мунӧ  
То ӧдйӧ, то надзӧн.  
Кодӧскӧ воштам,  
Кодӧскӧ аддзам.  
Кодӧскӧ кутлам,  
Кодӧскӧ видам.  
Вежӧрӧн содам,  
Кузьтаӧн чинам.  
Эскам да огӧ  
Енӧжса Енлы.  
Висьӧмӧс пӧдтам:  
«Энлы на, энлы...»  
Дышмылам дзикӧдз,  
Ыззылам бара.  
Лӧсьыдсӧ корсям  
Кор сиктысь,  
Кор карысь.  
Олӧмным мунӧ  
Кытӧкӧ вӧтӧн,  
Кытӧкӧ вемӧсӧн.  
Паськалӧ рӧдӧн...

✕ ✕ ✕

Ме полі, мый янсөдчөм венас,  
Мый вунөда, вунөда тэнө.  
Ме полі, мый воа да вежся,  
Дзик мөд туйө төдлытөг кежсяс.

Ме полі, мый ылөдны ковмас  
Да зэвтчөмөн нюммөдны вомөс.  
Ме полі, но... весьшөрө полі.  
Тэ ачыд нин мөдкөд со олан...

✕ ✕ ✕

Мый водзын лоӧ —  
Енмыс тӧдӧ.  
И тэ эн юась, эн.  
Сьӧд синнад, гашкӧ,  
Керан мӧдӧс,  
А, гашкӧ-й,  
Колян мем.

Вай, тунасьнытӧ  
Огӧ пондӧй.  
Лӧнь войыс —  
Рыжмӧм лаз.  
Тэ ӧнӧ менӧ  
Бердад шонты,  
А аски — тыдовтчас...